

Eguneko zentroa mendekotasun egoeran dauden adinekoentzat

Fitxa interneten bistaratu

INFORMAZIO OROKORRA

Helburua

Mendekotasuna duten adinekoen eguneko zentro batean plaza bat eskatzea.

Mendekotasun egoeran dauden adinduen tzako eguneko zentroak arreta integrala eskaini tzen die, egunean zehar, eguneroko bizimoduko jardueretarako muga fisiko edota psikiko handiak dauzkatela-eta dituzten premiak bere ohiko ingurunean behar bezala ase ezin dituzten pertsoneri. Garraio zerbitzua ere eskaintzen da.

Zenbait zentrotan asteburu eta jaiegunetan ere ematen da zerbitzua.

[Zentroen direktorioa](#) kontsultatu (BEHAGI)

Nork tramitatzen du

- ZAINKETETAKO ETA GIZARTE POLITIKETAKO DEPARTAMENTUA
- Mendekotasuna eta Desgaitasuna duten Pertsonen Arretako Zuzendaritza Nagusia
- Mendekotasuna eta Desgaitasuna duten Pertsonentzako Arreta Zerbitzua

Nori zuzenduta

Mendekotasun egoeran dauden adinekoak, beren etxean bizi direnak.

Baldintzak

• Espainiar **nazionalitatea** edo Europar Batasuneko edozein estatutakoa izatea eta gutxienez bost urtez bizi izana estatuko lurraldean; urte horietatik bik eskaera aurkezten den dataren aurretik hurrenekoak izan behar dute. Europar Batasunekoak ez diren estatuetako hiritarrak direnean eta espainiar nazionalitatea ere ez dutenean, onartua izatea espainiar estatuko egoitza legala, eta legez eta egiaz bost urtez bizi izana bertan; urte horietatik bik eskaera aurkezten den dataren aurretik hurrenekoak izan behar dute. Aurretik egoitza bertan izatearen baldintza betetzetik salbuetsi ahal izango dira EAEn jaiotako pertsonak zein hauen ondorengoak, atzerrian bizi direlarik espainiar nazionalitatea mantentzen dutenak, bere azken administrazio-auzotasuna Gipuzkoako Lurralde Historikoan eduki badute eta itzuli nahi badute.

• Eskaera aurkezten den unean Gipuzkoako Lurralde Historikoko udalerriren batean **errolatuta** egotea eta benetan horretan bizi izatea.

• Mendekotasun egoeran dagoen pertsonatzat **baloratuta** egotea, **I., II. edo III. graduaz**, 39/2006 Legeak, abenduaren 14koak, autonomia pertsonala sustatzeari eta mendekotasun egoeran dauden pertsonak zaintzeari buruzkoak ezartzen duen mendekotasun egoeraren baloraziorako baremoa onartzeko otsailaren 11ko 174/2011 Errege Dekretuak edo horren ordezkio edo garapenerako araudiak xedatuaren indarrez eta, betiere, zerbitzu bakoitzerako ezartzen diren berariazko baldintzekin bat.

• **65 urte izatea**, edo eskaera aurkezten den urtean betetzea, edo 60 urte izatea desgaitasuna duten pertsonen kasuan. Baldintza hau betetzetik salbuetsi ahal izango dira, aldeko txosten medikuaren, psikologikoaren eta sozialaren ondotik, mendekotasun egoera aitortu zaien eta dituzten zertzelada pertsonal edo sozialak direla-eta mota horretako zentroetan ematen diren arretaren onuradun izan daitezkeen pertsonak.

• Baliabidearen **egokitasuna** zehazten duen **orientazio txostena** edukitzea, Gipuzkoako Foru Aldundiak horretarako berariaz adierazitako balorazio eta orientazio tresnak egina.

HASIERA ETA ESKAERA

Aurkeztu beharreko formularioak eta ereduak

- [Eskaera](#)

Aurkeztu beharreko agiriak

• Eskatzailearen eta, hala dagokionean, eskatzen den baliabidean sartu ahal izatera begira konputatzen diren familia unitateko beste kideen nortasuna frogatzen duen dokumentu ofizialaren fotokopia.

• Hala dagokionean, ordezkaritza legala, borondatezkoa edo izatezko zain tza frogatzen duen dokumentazioa.

• Aurretiazko baimen judiziala edo hori eskatu delako frogagiria, ustezko desgaitasuna den kasuetan.

• Banantze, dibortzio edo ezkontzaren deuseztasun kasuan, horri dagokion erabakiaren fotokopia, eta izatezko bikotea hautsi den kasuan, dagokion erregistroaren ziurtagiria, bikote horren inskripzioa deuseztatu izana egiazta tze koa.

• Gipuzkoako Lurralde Historikotik kanpo kokatutako ondasunen titularitatea frogatzen duen dokumentazioa, hala badagokio.

• Gainera, 7/2017 Foru Dekretuko 5. artikuluko a) letrako 2., 3. eta 4. paragrafoetan aipatzen diren eskatzaileek aurkeztu egin behar dute letra horretan jasotako baliozkoetakoren batean daudela frogatzen duen dokumentazioa.

Eskaera moduak

» Presentziala

Zuzeneko arretarako bulegoak

[Udaletako Oinarrizko Gizarte Zerbitzuak](#)

EBAZPENA

Ebazteko gehienezko epea

- Itzarote-zerrenda onartua izateko: 3 hilabete, behar bezala betetako eskaera oinarrizko gizarte zerbitzuetan sartu denetik kontaktzen hasita.
- Sartzeko: ez dago eperik.

Administrazioaren isiltasuna

Ezestekoa

Honen bidez jakinarazten da

- » Ohiko postaz

ARAUDIA

[2015eko martxoaren 24ko 7/2015 Foru Dekretua](#), Gipuzkoako Lurralde Historikoan mendekotasun egoeran dauden pertsonak egoitza zerbitzuetan eta eguneko zentroetan sartzeko araubidea arautzen duena (GAO 59. 2015-03-30). [Akats zuzenketa](#) (GAO 90. 2015-05-15).

[15/2015 FORU DEKRETUA, ekainaren 2koa](#), Gipuzkoako Lurralde Historikoan mendekotasuna dutenentzako arreta zentroen erabiltzaileen ekarpen ekonomikoaren araubidea arautzekoa.

[2016ko maiatzaren 24ko 12/2016 Foru Dekretua](#), zeinaren bidez aldatzen baita 15/2015 Foru Dekretua, Gipuzkoako Lurralde Historikoan mendekotasuna dutenentzako arreta zentroen erabiltzaileen ekarpen ekonomikoaren araubidea arautzekoa.

[21/2022 Foru Dekretua, abenduaren 13koa](#), zerbitzuen erabiltzaileen gehieneko ekarpen ekonomikoak onartzen dituena eta aldatzen duena ekainaren 2ko 15/2015 Foru Dekretua, Gipuzkoako Lurralde Historikoan mendekotasuna dutenentzako arreta zentroen erabiltzaileen ekarpen ekonomikoaren araubidea arautzekoa.

INFORMAZIO OSAGARRIA

Oharrak

Zerbitzu honek kopagoa dauka

Informazio gehigarria

[Nola kalkulatzen da ordaindu beharrekoa.](#)